

**Zeitschrift:** Schwyzerlüt : Zyttschrift für üsi schwyzerische Mundarte  
**Band:** 13 (1951)  
**Heft:** 4-6  
  
**Artikel:** Jung Solothurn  
**Autor:** Schmid, Gotthold Otto  
**DOI:** <https://doi.org/10.5169/seals-183496>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 26.01.2026

**ETH-Bibliothek Zürich, E-Periodica, <https://www.e-periodica.ch>**

# Schwyzerlüt

## Zeitschrift für üses Schwyzerdütsch

Erschynt 4-6 mal im Jahr i Doppelheft

Redaktion: Dr. phil. G. Schmid, Fryburg im Uechtland, 40 Jurastraß 40  
Verlag: Schwyzerlüt-Verlag, Fryburg. Druck & Sped. R. Bieri, Oberdießbach.  
Abonnemänt für 1951 (10-12 Nummere) Fr. 6.50, Usland Fr. 8.50

Einzelprys (a de Kiosk) 1.50 Fr. Nr. 4-6. Yzalunge uf Postscheck IIa 795, Fryburg.  
Adrässe für Briefe, Ms., Bstellige, Büecher: Dr. phil. G. Schmid, Fryburg i./Ue.  
Rückporto nid vergässe!

---

**Fryburg, Ostere 1951**

**13. Jahrgang Nr. 4—6**

---

### Jung Solothurn

Liebwärti jungi Solothurner!  
Liebwärti Schwyzerlüt!

Scho guet fuf Jahr si verbi, sid mir „Im Solothurnerbiet“ (Leitung Albin Fringeli) im Wymonet 1945 em große Solothurner Josef Reinhart uf sy 70. Geburtstag hei gwidmet. I däm schöne Büechli findet Ihr au vili gueti und chüstigi Münsterli vo den ältere Solothurner, vom Urs Josef Lüthi, vo de beide Glutz, vom „Großätti us em Leberberg“ (Dr. Franz Jos. Schild), vom Jakob Hofstätter, Bernhard Wyß, Josef Joachim u. a.

Dismal danke mir meh a die Solothurner, wo no rüstig und chäch under üs si und üs mit ihrne Wärk Freud und Glust mache. Mit üsem „Bärnertempo“ hei mir nid möge bcho uf e 75. Geburtstag vom Josef Reinhart. Wie chönt men aber hütigstags es Büechli uf Solothurnerdütsch usegä, ohni a Josef Reinhart zdänke, ohni daß es es Lob und es Dänkmal von ihm würdi? Und we me's de no bsunders em junge Solothurn, de gsunden und chäche Solothurner Meitschi und Buebe, wott widme, mueß das Büechli vom Geist und vo der Art und Gattig vom Josef Reinhart tränkt und gspise si, wäge wer het d Juced besser verstande, wer het sy egeti Jucedzyt besser gschilderet, wer het de Schwyzerchind dür syni Wärk meh und Chöstlichers gschänkt als der Josef Reinhart? Drum het er au dismal der Ehreplatz übercho.

Bis üses Büechli isch suber und sittig binenand gsi, het es allerlei Müeh und Arbeit brucht. E große Teil dervo het wider der Albin Fringeli mit Ifer und Geduld überno und treit. Ihm ghört üsen erste Dank. Danke wei mir aber au allne Mitarbeiter, wo is es paar Blätter vo ihrem Gschichtebaum hei gstiftet, allne Gschäftslüt, wo nes Inserat a üsi gueti, nötigi und wärt-

volli Ufgab gwagt hei, allne andere Lüt, won is mit Rat und Tat, mit Bilder und anderem bigstande si.

Ganz e gueti Idee het dismal der „Solothurner Heimatschutz“ gha. Bim Talerverchauf git es gäng zwöi- oder dreierlei Gatig Meitschi und Buebe, tel wo die Taler numen ässe (guet isch ja dä Schokola, das mueß me säge!). tel wo se chaufen und ässen, und tel wo se verchaufe (und wohlöppen au ässe?). Für e Heimatschutz si zerst die Chind am wichtigste, wo wei d Taler verchaufe. Drum sölle die beste Verchäufer — nimen ig a — ds nächste Mal als Lohn son es Büechli übercho, dermit sie no meh Muet und meh Freud hei für ihri gueti Sach. Und so nimmt üs der Solothurner Heimatschutz es stifs Hüüfli vo üsne Büechli ab und bewist dermit, daß er weiß und versteit, wie der Sprachschutz nid öppen e veraltet Moden oder e Näbetsach isch. Nei, ds Istah zum Solothurnerdütsch und zum Schwyzerdütsch überhaupt, isch der nötigst und wichtigst Heimatschutz, will men i der Sprach vom Müeti und Ätti, i der Sprach vo üsem Volch und üser Heimat am ringsten uf ds Läbige reckt, am ringste dä Geist und die Chraft gspürt und trifft, wo macht, daß mir Eidgenosse si, wo macht, daß mir — trotz em Dörfli- und Kantönligest (es git e wahren und e falsche) und anderne chline Geister — doch es Volch und e Staat si, daß üses freie Land Sinn, Wärt und Bestand het.

G. S.

### **Bueben und Meitschi und dr Heimetschutz**

Ufgschribe i dr Mundart, wie me se z Matzedorf im Bezirk Bolstel-Tal redt, von Meinrad Borer, wo dort ufgwachsen isch.

«Jökeris, jetzt chunnt do einen und schrybt öppis über Heimetschutz! Weiß ächt dä nit, aß das nüt isch für eus Bueben und Meitschi? Eus intressiert doch numme d Turdöswiss, dr Rot Pfyl, denn öppe no d Schiikanonen und d Fueßbälleler, d Segelflüüger und di amerikanische Dschipp und was süsch no derigs um e Wäg isch; denn au no d Briefmarge, d Schoggelabelgeli und d Prysrätsel, wo d Lehrer albe no sette hälfe mitrote. Das si di Sache, wo mr eister stramm drby sy, aber nit Heimetschutz! Das isch doch öppis für di große Lüt, für Baumeischer und Gmeinröt und für die, wo albe wäge däm Züüg i d Zitige schrybe!»

Nei, dir Bueben und Meitschi, dir sit lätz dra, dr Heimetschutz isch au öppis für euch. I meinen aber nit numme dr guldig Heimetschutztaler mit däm guete Schoggela drin, nenei, dä isch nit d Hauptsach dra. Aber schön sy si einewäg, gället? Lueget, dr Heimetschutz isch öppis so eifachs, daß dr mängisch an em verby stolperet, will dr meint, es stecki öppis ganz anders